

武甯縣志卷之二十九

藝文傳

邢侍郎傳 補遺

署贛州張紹璣邑人  
教授

侍郎姓邢諱凱號坦齋長樂鄉人登宋嘉定甲戌袁甫榜進士官吏部侍郎清理銓政一時人材無滯越之患著有坦齋通編筆衡諸書晚年致仕構費岡書院儲書萬卷下帷講學遠近文人悉至迄今五六百年其居官政績既無從問而生平著作亦散佚無存伏讀

欽定四庫全書提要內載坦齋通編一書原本卷帙不可考惟據散見永樂大典者逐韻掇拾編為一卷僅數十條焉所紀有淳熙中見冷世光論姓氏事在孝宗時又有慶元間高秉文命題京鏗攻中官王德謙二事及近見楊

武甯縣志

卷二十九

藝文傳

一

四百九十一

誠齋易傳語則是書成於甯宗以後其書多考證經史略如程大昌演繁露洪邁容齋隨筆之體如引思齋之詩辨文母太任非太姒引說苑證伏波之號不可單稱引國語證列子西方聖人不指佛引明堂位鄭註證漢書禿翁字引朱買臣張湯傳謂漢書自相矛盾引李吉甫傳謂唐書前後舛異引前漢書證豺狼二語不始張綱埋輪引鄒陽書證鷺鳥累百二語不始孔融薦禰衡考訂皆為精核他如論術家擇日及五音配姓之非論姚察置人事而委天數論救荒當知戢姦論羅浮山飛來峯之妄論漢高祖同罪異罰論求長生論毀淫祠論公儀休怒織帛不可訓持論皆為正大至所論子雖齊聖不先父食不應坐顏回曾參於殿上而列其父於庶



下宜別立一堂之說後世建啟聖祠竟從其議尤可謂知禮意矣其筆衡一書李時珍本草綱目及各家醫書嘗引據之亦不獲其原本又通志載侍郎論東坡詩人遇喜歡來遠夢地名惶恐泣孤臣更惶恐以對喜懼此詩人習派又見有贈滁平李叔盈家譜序贈傅氏譜序序內有與叔盈同執經於建昌宏齋先生數語曰邢侍郎坦齋周學士溪園皆卓然宋代後先輝映溪園之書今尙有存侍郎之書名言至論能補前人所不逮而顧介於傳不傳之間殆有幸有不幸歟噫如侍郎者自足傳千古矣

盧大夫傳

邑人張望閩楊

公諱達字瑞芝破石坪人南唐尙書儔之裔少貧薄不

武甯縣志

卷二十九

藝文傳

二

四百八十四

自俚游寓江省年五十一賃傭糧道姚公署陸陸無與爲名姓康熙十三年叛將楊富餘黨稱白頭兵爲亂大兵駐省城屬辦軍事有功明年募造戰船無應者公列較中前身曰某能節帥由是奇之於是洪東西州郡多陷巡道李公副將吳公竝才公爭致麾下十五年用公勦奉新流寇擒之旋從克復上高建昌安義靖安餘千鄱陽六縣乘勝蹙賊於瑞州是役也公功爲盛授千戶長是時洪城艮山民塗而載者數千人悉倚公爲命還止其疆十六年總督董公有撫州之戰授明威將軍尋攻江潯山勦朱天錫復銅鼓營遷昭武將軍十七年春徇吉安贛州大破賊秋與廣信賊對壘鏖戰凡五晝夜克之進取楊一豹搗其巢賊盡江西平公還省不有故



旅往來客候公曰方貧傭時不知君之至此也脫冠見著兜鍪處盡禿然公年已老而精力不衰時時爲氣如壯丈夫行者黔滇告警

皇上命總督某往討之檄公偕又慷慨騰馬春行矣己未春大軍赴雲南五月攻烟溪身先諸將夥斬獲入簡親王部勦紫陽河賊連大捷救出被寇四千四百餘人於是破黃茅嶺克靖州復鎮遠衛城駐平越府討馬寶防鵬池河謀渡無舟乃命士卒編竹爲筏乘風直進賊望見膽落不戰走矣追至黔西而還雲貴初定而馬寶部方寇四川公語督帥往偵得其虛實乃捲甲直趨拔其營隨略隘口獲輜重器仗無算賊尋滅督帥上公功最乃班師壬戌還江西官拜左都督仍帶軍功二等管湖廣施州營遊擊事越五年晉階榮祿大夫贈曾祖祖父如公階年七十致仕歸卒年八十一葬新建畢家山公起行伍老乃得官出入輒轉於矢石間者近十年諸妄大小鬪未嘗敗北嘻蓋其人豪哉

盛仲子傳

拔盛 魏梧岡

仲子丁埜先生幼隨父讀書官署十八補諸生深有得於左氏手左氏錄一卷學者珍爲奇書性孤子初與潮州吳東樂平王起隴同邑余騰蛟爲性命友雍正己酉成十公解組歸謀舉家譜未遂遺命先生編次乃與季弟樂悉心考核幾歷寒暑而書成先生自是益閉戶讀書不假聲譽時大司馬新吳甘公臨川李公咸折節下之先生之名益起安福進士胡榘南昌進士蔡正笏與



國李太史應熙新建熊太史爲霖新城黃太史永年舟車道上走書幣不絕乾隆己巳

恩詔舉經明行修之士觀察黃岳牧舉先生先生辭不就歲辛未金匱進士鄒應元知縣事以馮志卑陋屬先生爲一書太守朱公嘆服不置前是盱江太守姚公聘先生至盱纂修郡志姚公嘗語人曰史才也時先生僑寓石公堂與廣昌侍郎魏定國進士賴晉南豐謝鳴謙南城陶其慤談論古昔人才盛衰倚伏之數上下數千年媿媿不倦晚乃築字雲巢講學遠近從遊者如南昌楊壘南豐謝本量新城魯士驥南城曾廷樞同邑汪軻楊光斗皆出門下己卯以歲貢授安義司訓立規課士設養正會集諸生講習立言篤行要旨秉鐸三年士風振起

武甯縣志

卷二十九

藝文 傳

四

五百

科名溢於前世新吳進士徐曰明年少負才挾其所爲詩走安來質退而嘆曰真明師也分宜進士林有席與先生書曰先生多存一日則後生多一日典型時皆奉爲名言壬午以疾卒於安義官舍所著字雲巢內外集詩鈔論語聞諸書平生自愛其文不輕與人南康太守夏公爲書加幣求文而卒不可得邑侯鄒有兄曰鏗爲江左名士齋其文集走使數千里乞序鄒公嘗謂先生見解多出漢儒之上每讀其文輒拊卷嘆息云先生名大謨字于楚號字雲

曰武甯僻處深山名不聞上郡自先生兄弟奮興士風爲之大振時俗喪事尙僧巫先生倡復古禮皆知擯異端崇正道至於詩古文辭行雲流水不事劇刻爲後人



摹擬所難及此殆有天授焉非人力也

盛叔子傳

邑拔盛翹新莖賈

叔子名鏡字于民號止水成十先生其父也幼隨父任與仲兄于莖季弟水賓讀書樂平學署成十先生最之嚴而三子皆負奇穎銳志稽古角力以進父子兄弟師弟友朋遂關詩古文門戶學焉各有所至成一家言叔子於詩淵微深厚三百之遺知言者屢焉厥後仲以明經鐸龍津季以選貢入太學叔子則聲塵寂寂不求人知卒以布衣老而叔子固樂甚夫以世俗榮枯之見鮮不為叔子悲而千秋身後之名在此不在彼然後知叔子之樂人所不得有而叔子之於為人何如也叔子有舊廬曰蘭拙日坐其中力求古人為己之學稍暇則飲

武甯縣志

卷二十九

藝文傳

五

四百九十八

酒自適長嘯微吟著有寄軒詩欽王訥夫李屯菴蔣茗生熊鶴嶠諸先生稱其風味於元亮為近學者不獲見用而束身修行力追於古亦足以自立於人世間也區區著述云乎哉今海內談古學猶知有三盛先生兄仲弟季叔子參處其間視古稱家學何多讓焉歲癸未重輯邑乘纂修以叔子列儒林闡潛德也發幽光也千秋身後之名其在斯歟於戲叔子可以傳矣子樵字雲子才邁絕工詩文未冠而天有詩見藝文牧乾隆庚寅舉人詩賦膾炙人口屢見重於學使一時目為名下士

汪魚亭學博傳

錦山蔣士銓

汪軻字輦雲號魚亭系出新安先世遷江西武甯遂為武甯人軻幼孤貧有兩弟能食力養母乃師邑明經盛



謨讀書謨築字雲巢以居治古文有名當世軻獨好爲詩五言古體力追漢魏近體師太白襄陽皆尙高格學成遊南昌館葉氏葉有孀母奇其詩敬禮特異字以女軻病母手調湯藥左右之時臬司凌公璫藩司彭公家屏皆才軻學使金公德瑛拔軻冠其庠名驟熾軻贅昏日三公咸遣隸役執事爲時艷羨乃迎母母習於山居俄返里南昌楊屋本天全六番招討宣慰使孫雍正間安插來江西屋九齡以詩名至是與軻相伯仲時稱兩才子然軻日貧困乾隆丁卯薦而不售遂浪遊四方又數數垂橐歸卒無有知軻者新城進士陳凝齋先生道講學鈴口招軻同諸子讀書始與公子守誠守詒輩及魯君仕驥善公學以治性匡時屏榮利絕紛擾爲要軻

武甯縣志

卷二十九

藝文傳

六

五百二十

益務實學終無所遇庚辰遊京師釀貲貢太學應

京兆試仍被放去癸未武選君守詒赴官再偕入都都下故人益憫軻憤鬱不自聊輒放於酒酒酣罵座目張炬與人爭辨抵案碎壺不肯屈已而痛哭呼死友趙山南不止客不能堪皆避去先是金衢嚴道守誠爲軻買田使家食軻至是賣田入貲注廣文籍又不足於是武選君成之越數年授吉水訓導歷三月卒於任遺孤四皆幼穉無所歸載櫬寄厝南昌柘林郵武選君迎其家至中田贍養安居而軻配亦旋卒武選君撫郵諸孤使各執生業俾無失所又屬魯進士仕驥相冢穴合瘞其夫婦托分宜林君有席選定遺時雕板行世嗚呼軻交遊什伯能全其家封其墓而存其詩守詒仕驥有席三



人而已。軻性抗直，平生以妻子友朋爲性命。凡奔赴友  
喪，哀痛如骨肉。以是與軻交者，胥弗忍相負。甲戌內寢  
火，軻於烈焰中一再攀妻子出，兩手焦灼，幾死。月餘起  
而十指短秃，如椎，尙能握筆作詩。遊跡所至，如燕齊吳  
楚兩越山水勝區，必極流連詠歌之。至悲涼骯髒者，  
憫焉嘗佐甯化雷公鑑視學浙中，幕僚雖眾，公獨以軻  
與仕驥爲上客。嘗曰：「爾生志學，非時賢可及其友。惟南  
豐趙由儀稱尤契。由儀字山南，稱神童，年十七舉於鄉。  
越六年卒，軻哭之幾殉。父維型，一名瀾，故詩人所著浣  
花青崖兩集，先後遭水厄，遂不傳。子四敦、淑、敦、溥、敦、浩。  
敦，湜女，二長，適南昌舉人湯炳子承綸。幼未字，著魚亭  
詩，鈔凡二千餘首。藻香館詞并手錄，子史十餘卷。卒年

五十七

論曰：予年二十自上黨歸，始因楊子載屋交魚亭。魚亭  
乃視予如兄弟。吾三人出入與偕，讀書尙論，或同或異，  
互爲嗔喜，然胸無畦畛，患苦相卹。及予因公車十年，魚  
亭慰勞彌苦。丙子予時以中書在籍，六月稅城南僧舍，  
潛攜君習齋，厠兩月。日夕督課，禁少懈。魚亭輒怒，予泣  
曰：「君怠將終蹶矣。」魚亭亦泣。是秋又薦而不售。庚辰癸  
未，魚亭兩遊京師，恒共臥起。而君對酒輒醉，醉輒哭，  
予旁皇而已。丁亥，予浮家會稽，聞君得官，旋聞君妻子  
入中田，免仇離。更聞君婦卒，嗚呼！十五年來，予之忽哭  
忽笑，哭而不能復笑者，遂至於斯也。今遊中田，得見君  
諸孤，君夫婦且將同穴。又及見選定君詩，予乃破涕爲



笑笑而復哭矣遂補傳君或借以存生氣若君之窮則天也嗚呼

張君人峰先生傳

高安王齡

君名望字椽檀一字時獲號閨榻族贈曰人峰武甯北鄉二十七都人先是嘉慶元年

詔命州縣選孝廉方正之士時人峰先生春秋五十又九早值舍藏安貧讀書力行既成著儒家文字五種樂此勝於韓魏朋儕以爲人峯十又二歲而孤事母惟敬與色送死葬祭不違禮兩弟孀有孤寡幼壯窮疾撫卹殷勤雖析炊如同爨也斯可謂養志者矣其於孝爲何如又見人峯敝衣貶食遭遇士大夫下聘往往揆之於義却而勿受斯可謂富貴不能淫者矣其於廉爲何如又見

武甯縣志

卷二十九

藝文傳

八

四百七十九

人峯卒當大事必求全責備不私恩顧不避怨嫌斯可謂砥厲埒錫者矣其於方爲何如又見人峯終日把卷不妄笑言不倚奇衰陰行詭道無敢闖入其門客遊須臭味相投方肯下榻處已接人斯可謂無偏無頗者矣其於正爲何如有是四端自古爲難欲舉而鳴諸當路人峯則退讓不就作辭舉與人書末云書生糟粕不聞君子大道等之方今文章之虛夸自足而已穀薄之惻諒以愛相加遺者審而裁之周易所稱謙謙於人峯不益信乎觀其文之高者下同柳韓班馬上及三代唐虞子雲輩再出必好之矣

曰予家高安人峯居武甯初不謀面自乾隆乙卯邂逅灌城相其談心得其爲人與文顛末予發明中原十九



韻名人峰序之如源泉混混支分派別予講韻學私謂  
差可誰知人峯於此道更有精焉者雖李杜復起必側  
席以待嘉慶戊辰予客授洪都暮春人峯長郎愧方旋  
自江蘇學署進謁舍館予寄詩補祝人峯先歲七十壽  
不期冬閱人峯作古予接凶音泫然流涕蓋棺論定品  
學無雙而今而後不可復得也遂作傳以貽之請質正  
於人峯朋儕道遠用將弔唁云

安徽廬州守張實園傳

王子音

先生姓張諱華甫字松浴號實園江西武甯人乾隆戊  
子以選貢舉於鄉辛卯成進士由刑部主事洊歷員外  
郎郎中丁未出知安徽廬州府事起家單寒事畜仗心  
力勞苦飢凍拂抑若固有者讀書客授予甯先後山居

武甯縣志

卷二十九

藝文 傳

九

五百〇四

四十四年官京師十一年守廬州二年居易俟命和而  
不同善用已長彌縫人短然是非黑白胸中鐵立不可  
奪校校介節窮且益堅年五十七卒於里第至不能舉  
喪所有以貽其後人者惟文章政事而已矣府屬無爲  
州毗連廬巢和舍賦甲通省南當江水北注受禍最烈  
明初壩爲江吞嗣縮二壩至六壩以讓之屢興屢廢乾  
隆丁未於舊河險要處別開新河由沈家塘方家橋支  
流以殺其勢增七壩於舊河之北增八壩於新河之南  
明年春委先生履勘條陳六壩外敵大江內偪大河官  
急培高厚俾舊壩皆可恃爲保固上官躋之於是割太  
陽洲蘆稅爲歲修易曰損上益下民忘其勞先生有焉  
某汪氏守子九年夫兄利產逼嫁且誣以私案懸久矣



先生至立雪之無爲闔州稱快禡遣健訟貢生李某不獨爲合肥除害也縣西八十里舖劫商者壽州盜也非革役張標也張標棄其妻而踞李某之妻兇徒也又賭匪也非盜也當合肥劉令微行緝拏張標糾黨六七拒捕李某証之鄰婦証之其妻又証之令故能惟恐不實詳請遴員會訊畫供如一先生以贓數不符難成信讞陰察鄉評又餌其八歲女供吐前狀仍檄劉令捕得真盜七人而張標七人者自此說極梏爲良民矣初總辦秋審七年多所平反廣東台令杖斃奸民其子叩

聞

上怒令罪且不測下刑部發先生審勘核案檢屍只有仗傷非致命處知縣革職外無餘罪辛丑正陽門城樓災九

武甯縣志

卷二十九

藝文傳

十

四百五十七

門提督太學士英公總部務將起火之家擬發烟瘴時先生承辦以爲事出無心坐杖足矣奏入均蒙

俞允充律例館纂修官著有大清律注條例則例道里表分輯守廬州有敬事編山居有寶園文課士錄生乾隆丁巳十二月二十五日以癸丑三月二十日卒配朱恭人子三富業進士富學諸生富霖先生既卒之十四年子音營田霸州富業選知湖南臨湘縣事屆成屬作傳乃成之

曰往者王子予權提白鹽井先生書來其略曰守廬未及兩載以遲報教授會試漏咨罷職家居去年十二月

聞

聖駕西巡匍匐赴晉恭迎道左不獲仰邀



天眷匏繫都中進退維谷回憶束髮讀書數十年來以不足輕重之得失奔走營逐其心事幾不堪對衾影而卒之爲人爲己迄無所成轉不如耕田識字猶足以給衣食而教子孫今忽忽老矣倦飛而始知還其知己晚況乎其尙不知還也七宣其何以教之嗚呼此先生之自道也可以概先生矣

盛教論傳

張華甫

君姓盛名元績字蒼林號熙堂名宦東民公十世孫也少聰明通諸子百家爲文力追先進詩有王謝風味邑先輩多獎勵之年十六應縣試多前列然屢困棘闈嘗肄業豫章書院與新吳鄒西麓南康謝蘊山金谿王仁圃等十八人爲文樹共相切劘乾隆乙酉登賢書七應武甯縣志

卷二十九

藝文傳

十一

四百七十七

會試不第而志不少衰恬退自守處閭閻不聞外事遇有關文獻者輒力任之縣志始修於康熙丙午再修於乾隆癸酉率多異議書遂廢後二十五年戊戌郡太守黃檄縣纂修君與邑孝廉楊冰園諸公分任楮墨矢公矢慎計二年而書成而君之方正不阿尤爲一時所帖服邑

聖廟自乾隆辛巳規模初就至己亥大爲改觀君兩董其事皆與有力焉丁未君由大挑補授峽江儒學教諭操守益加嚴飭而課士則井井有條時予守廬州迺聽風聲懽然慰藉竊嘆士君子讀書敦行不獲大展所爲而猶賴此冷署閱曹得以完全其初節不可謂不幸也熙堂無畸行予亦無諛辭其可以信今而傳後也乎



張佳郎傳

中丞譚尙忠

武甯張子佳郎來書自道其名曰嗣父諱問達學者所稱水山先生是也佳郎生而早了甫學語卽自引卷求讀書王母蕭異之口授果卽成誦八歲竟九經年十三依父水山講曲池書院先生及院中生特以其幼也居無何以孺悲欲見孔子章命題課諸生佳郎走筆爲文數百言語特警異院中生皆推與佳郎未幾又自去爲詩爲古文辭隆隆欲上於是邑先生長者知佳郎名佳郎益肆力於學生平心服閩楊先生師事之弗敢懈補博士弟子員旋冠一軍食縣餼以多病常不與鄉舉所作有俯江樓重遊者記白髯對諸篇讀之英英皆有古人之致予因是益知佳郎名去歲戊申四月心輦持粉

武甯縣志

卷二十九

藝文傳

五

五百十一

素列名帙請曰里同學皆希慕鍾王家者也尤勸以書予書之中佳郎一幅仲冬之某日佳郎謝帖至滇精彩之色可想見其眉間抱氣持志以爲人不以病却而益倦倦以序其父遺稿俯江集見托予愛其才讀其言而閱其情蓋佳郎先之啟事俟予許可而將集聿至也儻聊今憂心輦手閩楊札並佳郎永訣書告予曰嗚呼佳郎以客冬十一月二十七日死矣遺集之未將集序之未成佳郎不得一見而死以慰其心而予終不可一見佳郎豈非天也乎夫人當倉皇急遽時鮮不中亂矧生死須臾間猶從容燕坐如平生咨家人通鄉黨語出文成有如此永訣者蓋是時佳郎彌留口授諸其兄而假年也予旣哀佳郎之未識面而死而其求序與其爲人



又不得自絕而終無以爲吾情序訖傳其大都復郵致一觴奠佳郎曰予雖不敏集序之托予近覽心輦手膾竟不負吾子也佳郎知之否乾隆庚戌八月九日南豐譚尙忠古愚撰

王七宣傳

顏檢

先生姓王諱子音字心輦號七宣江西武甯人父誠甫母氏張少孤承母教出而材於事以仁義爲根柢以果敢爲事功由乾隆丁酉科舉貢判州雲南廣西州保題平彝知縣歷任永北廳同知提舉白鹽井兼南甯縣嗣因公被議余爲奏管霸州營田報滿起用直隸知縣補饒陽調隆平前署深州安平獻縣先後膺民社三十餘年政事文章予耳熟目串久矣余之知七宣也自譚古

武甯縣志

卷二十九

藝文傳

三

四百七十八

愚費文恪兩公相繼撫滇賢其治蹟去而猶形齒頰予交七宣始滇南深冀北畱主幕府三載喜其文行並懋德政兼修益信譚費兩公知人之明也七宣視國事如家事視民事如已事其在永北白井平彝饒陽隆平間叠興

孔子廟建書院計籌膏火田以興學養士詳免黑白琅三直隸井府考減值疏銷永北積鹽且清丈順州海田以置孤貧寒衣諸善政具載各志中吾尤重其在平彝日平苗變賑難民代力役售墮鹽軍需旁午真有爲人所不能爲者張閏楊書七宣此舉殆遠有詔佳甯之風而近埒於王謙者矣允哉七宣老成諳練遇事果敢有爲爲之惟恐不及公餘喜爲詩文著宦拾錄循陔詩文集大



都有關倫常取重於其鄉先生蔣心餘張水山張閏楊萬文恪與天下名公鉅卿者無異詞雖暮年因公落職灑然不以介意又時以仁義果敢策勵後嗣爲不可及也諸子乞傳余誼屬同年不禁歡感交集道光二年蒲節後一日直隸總督廣東連平顏檢惺甫氏撰奉

旨賜祭葬入祀昭忠祠贈五品銜世襲雲騎尉故鄉勇李秀章傳

秦承恩

今上卽位之二年教匪滋事闖入陝境承恩奉

命督師夙夜黽勉仰仗

聖天子之威靈得以殲盪淨盡全境肅清登斯民於衽席載欣載慰慶何如哉先是賊目姚之富王廷詔竄入平利安

武甯縣志

卷二十九

藝文傳

古

四百五十四

康欲由佐林溝直撲興安府城予帶兵防勦見一鄉勇其人魁梧磊落每出敵必身先行陣奮勇衝殺所至賊輒披靡蓋儕伍中之傑出者予心壯之問其姓名則江西客民李秀章也爰慰勞而識之夜出巡營冰霰嚴寒漏已數下見秀章猶持矛侍因呼入帳詰之曰若何夜深尚不歸伍暫息秀章曰嘻斯何時枕戈待旦尚恐有負

君親敢安寢耶况大人以封疆大憲起居尊嚴尙不憚勞瘁與兵民共疾苦櫛風沐雨晝夜靡息某何人斯乃敢貪樂逸哉且某室家子女在是賊已臨境脫有跡虞卽被蹂躪恨不手刃狂寇勦滅無餘安居樂業共享昇平此某志也抑亦鄉勇之分也其能曉大義如是更爲



聞之心折叩其家世則籍隸豫章之豫甯代傳耕讀秀章故少習技擊同兄客於秦辛勤力作積有薄貲隨設肆貿易揭眷屬寄居安康安康之人皆服其誠信值邪匪竄境散其貲集義旅爲鄉勇鄉之火壯皆樂從之秀章慷慨臨陣更能激厲其徒於是秀章名嘖嘖軍營中領軍者皆欲拔爲親兵未幾賊薄佐林溝乘連日陰雨各股併力撲搶堆窩石山梁秀章伏匿山坎偵賊至挺矛直出首斃執旗賊目賊蜂擁圍匝秀章奮身躍上擒馬上一賊同跌下坡身受十餘鎗洞腹出腸猶揪賊不放遂被害時嘉慶二年九月二十九日也嗚呼如秀章者可謂勇於義忠於

君者矣上其事於

武甯縣志

卷二十九

藝文 傳

十五

四百一十五

朝奉

恩命照五品銜議卹

賜祭葬入祀昭忠祠付史館纂列傳撰

勅書給與騎尉世職襲次完時給與恩騎尉世襲罔替嗚

呼

朝廷之報功獎忠可謂厚矣渥矣夫秀章一齊民耳嚮使撫籌作賈居奇積贏當賊竄境時秀章偕其孥席貲而返鄉井胡不可乃能勇於赴義誓以馬革裹屍殺身成仁克全其志以視夫老死牖下與草木同朽者奚啻霄壤且得膺

懋賞傳之子孫繩繩勿替雖

聖朝之卹典特隆而廉頑立懦聞而興起嗚呼如秀章者亦



可以風世矣秀章既歿於

王事遺員存問其家攜其二子來曰龍芳龍英皆翩翩韶  
秀足世其職予移撫江右龍芳亦偕其弟旋里請咨襲

職矣予感夫秀章之忠且勇承

君恩之厚且渥敬列次其事俾泐諸家乘以貽子孫以昭勸  
忠之典其子若孫凜承

錫命幸毋忘食報之由來其敬共厥職勉世守之勿替撫江

使者秦承恩譔

汪騰雲傳

邑庠 張光藻 頌林 生

公諱騰雲名其江字樹桃坊市人也由行伍拔補南昌  
鎮標前營奉新縣汛把總負氣任俠嘗以自鳴忤紳貴  
不為所屈遂以勇敢聞各憲屢膺褒許嘗自顧曰大丈夫

武甯縣志

卷二十九

藝文 傳

十一

四百三十一

夫昂藏七尺豈徒挽兩石弓取升斗以飫妻孥遂快心  
適志乎嘉慶元年楚省匪教以邪術煽惑荆湘雍豫梁  
揚近楚者皆戒嚴江西尤屬江漢近地兵餉不時調發  
鎮標首領輪派軍佐目視騰雲將以覘其意也騰雲慨  
然曰我

朝

聖聖相承海宇肅清士民安高樂利幾二百年不思感戴竟  
狂悖跳梁自作不靖此人人可得而誅者吾儕歲糜廩  
粟豢養閑身特以報效於一日詎有逡迴耶乃隨總將  
毅然就道直抵當陽賊匪延村劫掠進則烏合退則鼠  
竄出沒溪源莫可偵禪騰雲屢次銳進多獲輜重首領  
益重其能騰雲奮不顧身首衝賊壘伏發遇害當事上



其事以 聞厚加優卹入祀昭忠蔭其嗣子宇銛承襲雲騎尉世職

曰士投身戎行不立功邊戍即馬革裹身乃坐食其祿臨陣而退避苟免者何如也當陽之役陣亡者江西四

人 朝廷皆優以祀典抑何渥也

翁湜園傳

邑舉人 余韻珊

先生姓翁名顯祖號湜園芟雲其字也幼讀書力學因兄見背遂輟舉業援例入太學而詩書之念拳拳也流覽史策以為古今之是非得失氣能任者勝之故生平所行輒有關於信義猶子蘭一歲喪父九歲無母公視如已出使受業名傳卒為邑名明經有友某早世母老

武甯縣志

卷二十九

藝文 傳

七

四百六十五

子幼內外維艱公日存問其母攜其子訓諸塾其母沒公往治喪具優恤如初栗榔義渡固公父麗牕公所建也公繼之置產以給舟子舟二年一葺五年一更自乾隆庚辰迄今行之六十餘年南昌郡學大成坊木坊也公與盧鏡舫捐重金易之以石他如資豫甯書院膏火移玉印橋修外泮捐安樂鄉社學田勸建京師試館貢院號舍資育嬰堂漏澤園其見諸郡鄉邑者不可勝計嘉慶戊午義甯州逆匪滋擾兵弁所經絡繹不絕邑侯王供帳掣尉公特出四百緡以助軍費翁氏族處星散自公父麗牕公主修家乘後曠闕近百年公率兄子蘭詳加考核迄有成書公身材玉立美髯如畫賓朋晉接揮麈清談咸嘆以為有晉宋人風季君繁赴任湖南



公手錄勤政紀作官戒銘沅郡大守藍凡石先生詫曰  
尊子學問經濟非等流也公初居城市厭其煩囂仍返  
下泐故址額其堂曰繼緒不忘先也又建夢葛山房列  
書室曰勵軒曰發園最後置字峰講堂俾子孫肄業其  
中以繼公讀書之志迄今諸子若孫聲蜚黌序爵顯仕  
途者彬彬人表焉

曰好義樂施有力者優爲之核之古人亦或以爲近名  
也而求近名於鄉曲信義如公者又多乎哉

張少尹傳

邑庠 雷應時 效村 生

少尹諱曜璣字表人別曰心衡 誥贈武翼都尉柏村  
先生之仲子也少習舉業矩矱先民不務時尙故屢試  
不遇居家甚嚴肅事上御下一秉乎禮吉凶必遵古制

武甯縣志

卷二十九

藝文 傳

六

四百九十三

落落自存於人鮮合博覽羣書具有卓識取古人可法  
者彙爲一帙常佩服之嘉慶庚申由大學例授湖北少  
尹時值教匪充斥人多規避 大學士書 太子少保

吳先後總制兩湖

參贊大臣德徃來勦撫營駐鄖襄

需餉孔急心衡請檄赴襄陽軍需總局或阻之不可湖  
北省會距局千里運道萬山叢雜賊憑之以爲出沒因  
沿訪情形圖而藏之令夫役各持糗糧偵賊所適按圖  
紆行遇崇山峻嶺攀援上下間厯村鎮皆賊匪焚餘或  
竟日不得憩所而每運軍需不下數十萬均無差失又  
委催安陸雲夢應山隨州積逋弋獲沔陽劫盜查防省  
會監犯辦理鍾祥等縣河堤各工屢駁估銷諸册皆不  
匝月而報竣厯署漢川劉家鎮司及襄陽縣尉所舉必



求便民不事迎合 大憲深悉其能特加擢用適聞母病呈請歸省遂丁內艱平居與兄渾齋同心利濟廣置棺木以卹死亡東渡西渡南渡悉增渡船以利行者石人洞山徑東關外驛亭西關外路燈京城省城試館凡屬義舉不俟勸勉皆慷慨以蕙其事歲庚辰湖北檄催補用而心衡抱病弗起矣閱今數載被流風沾利澤者猶慨慕流連於不置則心衡不媿有爲有守之士也夫

李白邨先生傳

清江楊懋恬雪颿

李白邨先生名趣堂字子秋武甯安樂鄉松墅人自童而冠而老嶄嶄出羣屢薦而不中僅得恩貢士以終生平最喜爲詩窮苦歡愉一發之于歌咏幾欲與唐賢爭席嘗見賞于先輩盛水濱余賓竹汪魚亭余讓麓稱爲勁旅其遊石鏡山詩有出寺鍾搖烟際樹隔溪犬吠鏡中人可謂繪水繪聲詩中有畫著有白邨詩草行世晚尤好古粵東顏惺甫先生藩江時相引重薦掌文衡極尊仰之

余上舍傳

陳瑞球

上舍名廷楨字卓林號環溪長樂鄉羅坪人少習舉業寢食金陳嘗爲比部余齋菴推重援例應鄉舉不遇遂罷去而詩書之念未忘也與鄉里文人往復衡論其天資穎異貧不能讀者時給資斧贍之於族姪虹韻珊二孝廉尤加意太僕盧公容菴時官農部倡購試館於京師之蘆草園走書上舍上舍慨然曰楨雖不能有爲以觀



國光而吾邑近年彪炳科第者踵相接此舉實爲上春官者歌得所也遂出重金畀二孝廉以去間嘗語其家人曰人之於世不能躬膺民社亦當裨益鄉鄰昔者楊富之亂蹂躪所至土木皆災我曾祖仲岳公率鄉勇會官兵攻禦瓜源長墅兩源藉以安枕我祖德友公授田畷再飲於鄉先考聯泗公好善樂施楨親見其捐社倉粟義學金主修縣志所費幾千緡今幸藉先人之遺溫飽日足經云積善之家必有余慶累世受澤不可不有以善其後故於橋梁道路若龍石港鳳口港洞溪港橋靖公崖長墅源路費千金他如減價平糶以濟凶荒推食解衣以資窮困迄今上舍往矣受其澤者常稱道不置云道光癸未承 大憲申諭各屬建育嬰堂書院膏火

武甯縣志

卷二十九

藝文 傳

三

四百八十八

上舍嗣君邑庠生琬邑教職振采州同克家其孫署紹興府經歷紹業監生紹先紹箕等聞之慨然曰此先人素志也出千金助之不果遂改歸鄉學焉甲申春予適以事過是邦嗣君等具狀求傳其畧以登志乘予聽其請而高其義也故傳之以爲好義者勸

李君坦葦傳

邑令

李光珽

武甯

君諱燭字履祥號坦葦山林處士也世居瓜源口爲靖武往來要路初洞口懸崖絕壁路不能通以藤引橋於其上名曰弔橋行人苦之君爲開鑿巉巖而隱其名至今履坦者莫知爲誰之力其潛德幽光類如此南昌府學之建游藝堂也爲武邑盛舉君嘗輸重金以資之家築廓如堂歲延名師以訓子若孫輩督課最嚴生平慷慨



慨好義而於詩書根本之地尤關心一日病革謂其子曰吾邑書院朽壤膏火淡薄難以作養人才吾有志而未之逮也汝曹須將公存遺產修理書院增置膏火以成吾志其遺命津津如此道光四年秋余以委命來涖茲士人正誼書院謁掌教查雲槎見大門廳事迴廊明道堂煥然鼎新東西兩齋牕闥玲瓏規模宏敞又仰見巡撫程大人匾額曰助興文教爲上舍之春立始知是役也自李氏始其子子山兄弟與姪捐租百十六石以飲膏火而修建書院則四子上舍之春捐金一千四百兩率家男貽錦督理之嗟乎子山與之春兄弟之興是役也皆遵父遺命也可謂能繼志述事者矣余以是役培植士林有功學校而坦莽之潛德幽光亦不可泯沒

武甯縣志

卷二十九

藝文傳

二

四百九十六

矣于是乎傳

余理問傳

兵備道

費履升

錢塘人

余公生字鏡蓮號性莖武甯楊港人也幼穎異習舉業以家務棄去授布政司理問早失怙家難蠶起常以危險憂其寡母公兄弟奮起捭擋之伺隙者歛翼公乃獨任旨甘俾弟就塾兄弟多病母常不憚公爲孺子容以怡之油油然樂甚其母以舊廬之湫隘也且與族隣詬誶時聞也頗厭棄之公相東岡之麓薙荒鑿險而堂構之萬瓦鱗然田疇錯闢亞旅疆以環於外家人婦子操于室母氏居之喜可知也無何弟穆孱去世一子且殤公失左右如鳥折翼幾不自存而老母弟妻哀號公乃以季子相後之張閩榻先生以古學倡修江公主之子



來塾中王大尹心言與公爲姻婭心言遊宦滇南燕趙數十年當代鉅公若譚古愚萬文恪顏惺甫及先文恪公往往以重閏楊心言者重公殷勤報柬且書感遠近園至歸衢堂子庠諸堂額而公未嘗一謁貴顯之門也自恨不終儒業益研究醫學邑侯王澹齋劉崔圃許勉齋陳韻石尹吉生贊府傅修園不時引重戚友全活甚多張閏楊已攜其治案於醫詩矣邑中義舉如京都吳鎮公宇靡不多金以助譜楊港二百年之遺甲乙兩書具徵文質晚乃主修宗祠糾散添產復聯祭會器具修潔輪奐有加公旣歿陳韻石表其墓族衆具文聯登壟以祭併額情深類本四字于祠乾隆乙巳嘉慶壬戌辛未旱荒減價平糶庚辰大旱遠近就食者填門無不懽感以去厥後甲申旱荒家君相兄弟踵行之家廩已罄復出千金運糴接濟鄉里有誼切維桑之額道光三年邑侯陳秋河纂修邑乘族衆舉公義行相與弟楫出二百餘緡以贍書院又出三百緡以輔志局之費公壻王晚香過訪潯陽權署出公行狀請傳升以先大人之故不敢辭爰紀其實如此

劉慶麟傳

晉洞人 劉汝楫 藉航

慶麟姓劉氏名陞生洞口之上村幼好武能馳怒馬挽勁弓以卑鄙羣小蒙鄉君子絕特之稱旣冠隨父英食力於灌城尋充撫標右營馬兵與有技諸健兒角多上人嘉慶元年湖北教匪熾其勢漸次徧西江之疆慶麟奉派出勦戚友皆爲之懼慶麟曰陞營兵也



朝廷豢養之謂何而敢有怯心派不及陞猶必上請於撫軍承乏戒行毋爲公辱載拜稽首毅然就道匪教平以功授甯都營把總之任後感微長之見錄也愧重賞之濫膺也技其技而精之教所教而齊之勞而疲之又振而樂之無間晨夕寒暑日懣勃其氣壯八年慶麟年三十四復奉令勦陝賊於是踴躍南行者又從軍而西矣抵陝蹶賊屢有功慶麟亦時或自快平利之役單騎追賊於長岡嶺被圍三周鏖戰自朝至於日昃力竭且飢受數創矣背巖暫憩賊誘之降憤然曰

天朝豈有此卑鄙哉爾縱我執亦當以一死上報主恩况未必然乎胡乃輕我如是言訖奮身躍馬殺賊數十人潰圍而出還營而死時十月十九日也事聞蒙

武甯縣志

卷二十九

藝文傳

三

五百十一

優卹入祀昭忠祠給雲騎尉世職噫慶麟家世窮乏未嘗學問

由營卒至騎尉常欲効一日之忠而果急

國家之難以舍其生向之稱爲絕特者有見也夫有見也夫

張渾齋傳

邑原陳昌言醉竹

先生張姓諱紹璣字曙軒別曰渾齋唐祭酒甯公三十九世孫代多隱德大父希厚公有孝行見郡邑人物志先生豐面偉軀幹爲人渾渾噩噩無諸醉醲飽鮮豪侈習義有所可則赴之嘗先邑人間居頤養天和冲然以深望之輒知爲有道者少讀書目數行下爲文驚邑老宿仁和趙鹿泉先生衡文號有目者得先生作異之大呼先生前獎借再三文名一時惜舉場五薦不選久之乃就廣文職焉吾江饒屬餘干舊俗諸生將訟於縣其



名由學署上久矣先生抵任卽進諸生諭之曰諸生夙  
身學校有臥碑在不平胸中化之可也何遽溷吾學中  
爲夫毋乃將縣庭乎膠庠也而可哉於是餘干士聞而  
恍然無輕入公庭者又嘗鐸古虔州虔俗每宴客會館  
中聲歌徹夜不散先生念古今風俗之就靡傲胥士大  
夫之失教也有敦請者卒堅不赴其重師儒之任如此  
當是時大吏數以學篆任先生先生亦以學篆仰副大  
吏所至有聲已而先生退居山中某歲郡伯張檄建邑  
試院無應者時先生已休於家聞之遽傾萬五千餘金  
以贖其事初縣試扁士內署間嘗出入几坐晨夜隊隊  
然遇大風雨相舁卻走泥濘中益蹶躄無士人狀及是  
邑人士大快並題長生位以祝之信如郡伯所額士皆

武甯縣志

卷二十九

藝文 傳

丙

五百二十六

歡顏者父柏村公病噎先生獨食不忍爲朝夕減膳夜  
不解帶寢逮故哀毀骨立嘗丁亡父周百歲日先生年  
已老矣堂上陳設畢甫拜淚潛潛下不止諸兒童輩一  
時愕然此殆古所謂孺子慕歟故事有力者生辰輒召  
賓客縱飲累日爲歡先生年躋七十請以酒壽先生弗  
許先期攜數童子泛舟東下已登滕王閣尋覽江山之  
好又探百花洲螺墩諸勝時有二三故人相與話舊賦  
詩共呼爲太平寬閒之老而先生笑而受也平居丐書  
者盈門日濡毫伸紙塞其請意興潑潑然後生以文就  
正每晨起張黻黻披覽竟日無倦容無何先生出撰楹  
帖曰存心自可對人何須蓋棺論定作善惟求在我敢  
冒及世名稱命嗣君身後張之時年八十也以壽觥請



又不許嗚呼先生其達人耶抑

國家瀆龐之遺叟耶邑中大舉當事屢咨之非公無一往者與人泯戟級雖野夫皆霽顏遇也居常服御清約一闔廬至垂頽然後易而家國繫屬之大邑人溥被之實爲費累萬不慳於出又何赴義之渴耶年八十七卒日睹上下數十年興替事常敘之如一部掌故作人龜鑑既歿未有不歎老成之我喪者道光戊子先生

誥封武功將軍武功將軍者族姪松園都督分當躬受之

封典也都督雄偉有巨力微時柏村公一見奇之以語先生先生爲曲成之無遺力其後都督竟擢巍科官至粵東總戎嗟乎人方困於無資雖英雄儻亦莫之如何矣其能遽騰風雲上耶此都督之所爲不能嗇其報也然而

武甯縣志

卷二十九

藝文傳

三五

四百九十六

都督亦賢矣哉著有不波居制藝四卷邢侍郎傳風水論蛙神辨諸散體皆可傳有子能世其業並有名

曰公論之不廢於天下久矣歲丙辰辛巳邑兩舉先生孝廉方正其後周陳二中丞咨人品於邑侯侯長弟以先生對何上下無異辭也或曰先生饒於財夫財在善處即在善用此中有問學焉而先生所爲若此所由樹品望於賢士大夫間矣

張松園傳

邑人

柯

燿

原名奉春

道光二十一年辛丑夏六月己亥前潮州總兵張公松園卒於家其子近光昆季濡血書狀乞文以垂家乘燿饑驅異鄉未暇也今又益以書辭促之成爰述列如右公諱大鵬字蔚叢松園其號也世居武邑洞口中村父



毅齋喜公瑰異恒曰是必爲太平福將時公方與兩昆備力爲生人多笑之者迨兩昆爲賈稍利益命公肄武由武生中式嘉慶庚申鄉試壬戌成進士以一甲第二名官二等侍衛毅齋及見也其歷任楚粵羣醜屏息靖鷄啼犬吠之警毅齋及料也十五年揀發湖北署撫標中軍德安營叅將明年補永州游擊駐劄道州八排猺彝無擾道光元年遷湖南岳州城守營叅將飭屬弁察洞庭水賊多方嚮之百十爲羣白晝掠者一空四年遷沅州協副將讐服雲貴界苗蠻一波不興九年入覲清問下詳歷對所以鎮撫者爲揚威布德變覆爲培

天顏溫霽獎勵再三陞廣東潮州總兵時潮州阿婆壠等礦

武甯縣志

卷二十九

藝文 傳

三六

五百〇五

山被白泥湖奸黨淘洗傷平鎮營兵擄把總張維綱公率兵弁返維綱擒邱癸淑等未嘗波及無辜一人亦未嘗勞苦戎行久淹日月十三年因標下守備段正聲庸劣累降四階奉札堵禦臺匪繹騷疾乞休致回籍十四年奉部咨原任廣東潮州鎮總兵張大鵬着以原品休致越七年卒年六十有九公豐頤廣額鬚飄飄若神與人惻懇欵洽不惟忘其爲貴官且如訓蒙叟冠楮冠曳皂綈僮僕甚恭而處事尤無善勞伐施之意在潮四年臺匪梗米商道府縣售儲粟療飢胥吏漁利致民百錢不易一飽民環兩署將爲變公抵縣門袖麾首列器械若疾風摧枯叢叢墮地萬人皆廢徐飭平價諭民止潮獄多大猾憤獄吏執法毀圍繫獄吏率罪人捫然鷹飛



獠搏滿公廨上下四旁公聞之往射旣敵十餘人墜盡  
懾入獄伏聽處分而城內外驚竄者三日乃畢還二事  
均未一宣諸親故也其在道也有千刀會突起蕞事奉  
札出攻其要立擒渠魁曉脅從雲散令士卒銜枚歸營  
掩門啜茗市人尙夜寢無聞後之論者以芟萌罔蔓高  
公之功公終淡焉而若忘近聞

國史館檄署兩江總督陸公查公軍功事蹟編冊送館纂輯  
其詳畧非所敢知而家傳以耳目逮之者傳公則如此  
論曰

國家承平二百年矣士生斯時經

郵治磨礪日益炳蔚公外任二十四年耀光綏靖曾未有元  
惡大敵使一膺臨事之懼是卽毅齊所謂福也毅齊固

武甯縣志

卷二十九

藝文

傳

一七

以

隆盛卜之也

州牧陳澄心先生傳

陳昌言

竹生

先生諱鴻緒字笏書一字澄心於昌言爲同姓順義地  
平村人也爲人端重沉毅有血性於事不輕發發必能  
收無中爲浮議撓者嘗讀書鹿洞有古樹輪困鬱然郡  
守某不戒剪伐樹躓踣及遺碑爲到此莫  
錯過碑卽上其事於  
九江權使其懼獲罪而以命取枯朽治糧艘爲解先生  
曰是實不有先賢講學地耳若糧艘而可以枯朽應其  
若欺君何某語塞旣事權使稱先生有經國才李太宜  
人之卒也未窆先生年甫十八結茅卧守山中數月畢  
葬乃歸後謫圃贈公率如之自師弟誼絕師死則死之



以能一弔爲幸先生往弔其師某抵門卽大哭涕泗交  
流當日若師弟子羣集無哀戚如先生者咸豐四年邑  
亂作人多避害逃匿先生出司團練總局與諸同事并  
力辦賊部署機宜仰先生爲多某日團勇出戰不利退  
請益兵時城勇纔六十人先生不爲動徐命六十人三  
次遣發先使人馳告曰邑悉衆來矣勇聞之歡呼騰躍  
再戰遂大捷其謀畫制勝多類此居局越兩年未嘗歸  
視其家遇事有擔荷不可雖大吏前必爭每酒酣坐客  
縱談意氣甚壯先生悄然念諸鄉團壯士暴骨郊原輒  
放聲大哭哀感各軍故勇益用命所向皆捷中丞陳上  
先生功最 奏保卽選知縣五年義甯州城陷湖南羅  
忠節公軍至取道武甯知先生團勇出力可當一面以

武甯縣志

卷二十九

藝文傳

二八

告鄂撫胡文忠公加保遇缺卽選知縣並賞戴藍翎八  
年江西平中丞耆錄功加同知銜于是先生弛軍務擔  
而歸家人驚視之髮鬚皆白及授柳州來賓令將往會  
僞翼王犯桂林又連歲鞅掌於百粵戎馬間矣先生以  
咸豐九年六月抵粵西踰月賊十餘萬人分兩路至先  
生奉命守就日門籌置守具甚備賊拽呂公車更番攻  
城皆退卻有東道遲至難民千餘人露宿城根號哭先  
生慮將爲變且城餉路也不可斷請於華觀察宜立柵  
護之官爲司啟閉又擇其壯丁晝夜自巡豈惟民無生  
心官有層城而東道之餉不虞爲賊斷矣觀察納其言  
行之賊退粵撫蔣 奏聞奉

旨以知州補用委署永甯州有官役經鳳者永甯大猾也



怙賊爲害鄉里官不問先生至遣之催科鳳浮收糧歸  
龠合不入官先生怒召至語甚妙叱左右執之皆錯愕  
上下視先生趣隨從家人摔而裹之竟置之法在官無  
幕賓減廉從事至不稽時決皆平允暇與邑人士講學  
論文忘已之爲長官然旣而承寧接壤皆賊先生卽出  
橐中金募勇分守各隘逮賊圍逼臨軍無見糧乃典朝  
衫易米往餽守者又時與子璇草屨往來勞苦之賊死  
咋不得入自春徂秋大小數十仗方是時大吏交材先  
生將畀以重寄惜承寧圍解以積勞疾作卒於官先生  
由郡試第一補弟子員道光己酉領鄉薦居常以敬字  
爲宗銘諸座右丁粵寇起益務爲沉靜謂今日羅忠節  
公兵法卽從大學知止節內體出事必有裨一邑然後作  
如辦報團練巨費舊案餘人無慮刺刺不休先生獨冲  
然退坐一室爲邑人治稿辦增學額餘無一言嗚呼先  
生之胸次又何大歟父誠圃公有盛德一門鄉榜四人  
皆誠圃後子瑞珏太學生璇藍翎四川縣丞球從九職  
斌邑庠生

陳進士治香先生傳

李文溥春帆

公姓陳諱世馨字薦誠一曰治香邑西地平人代有隱  
德公生四齡封翁滋圃公卽口授四子書及漢唐詩九  
齡從叔父隴軒先生遊教督甚嚴年二十應郡守徐公  
試名冠童曹時學使王省厓先生得公文奇之變南昌  
依次發案舊例拔先八屬異數也嘉慶丙子領鄉薦隴  
軒先生繩之如故公益自淬厲學大進庚辰成進士名



次十一殿試以知縣用考授咸安宮教習壬辰選山西蒲縣知縣將之任見王省崖先生猶口誦公文不置而  
以於心求安斯能中理但民稱便卽是好官贈之至蒲  
卽嚴懲吏弊蒲民樂甚明年聞封翁訃慟絕成癩疾歸  
踰年始愈服闋知安徽歙縣治績如蒲而風裁益峻有  
巨猾不道爲倫紀風化憂者卽置之法無少撓自是惡  
少懼伏戒勿犯浙閩制軍程粹廷歛人也來書有真實  
爲民父母之稱旋改調建平庚子充江南同考官所得  
多知名士來謁時必從容語之曰公等皆木天清選若  
作知縣案件得錢失民心也案首得錢失士心也賑濟  
得錢則良心盡矣辛丑建平罹水災公憫民饑無告卽  
捐二千金拯之又捐廉築長堤扞水水溢不爲害民皆

武寧縣志

卷二十九

藝文傳

三十

八十一

曰陳侯活我額胥匡以生字頌其德政尋以失大吏歡  
被謫百姓告留不許遂歸送者遮道皆泣下當是時宦  
橐蕭然解其歸裝有書數百卷而已地平於邑爲望族  
公旣休林下業制舉文者得公指畫科名尤溢於時出  
主芝陽書院五年辛亥侍太宜人疾半載目不交睫逮  
卒哀毀如喪父嗣奉徐制軍聘入粵屬大江南北寇盜  
充斥卽告歸同邑人籌辦團練予亦參預其間戊午以  
保障鄉里功膺府教授職加國子監博士銜己未官建  
昌府教授訓諸生惟真實兩字黃煦鄧廷鑾傅汝梅周  
開勳等皆出其門下王公景澄有甘雨宜民恩留棠舍  
春風被士名並草廬之頌自烽煙告警所在儒官多援  
曾子居武城故事辛酉歲賊圍建昌三月公獨相守勿



去事平加公五品銜甲子賊又大至分守城東門無風  
兩晝夜踰五六月而精神蓋自此衰矣建昌郡守隋龍  
淵性嚴毅寡合獨喜就公署論當世事隋公疾惡如讎  
愛民如子在郡七月爲會制軍檄調以去河梁祖餞時  
猶執公手依依不忍別一日公顧其子駿仁嘆曰隋公  
去矣吾何爲戀戀於此遂以病告月餘卒於家年七十  
有三都公生平天真爛漫進不爲喜退不爲憂一時名  
公巨卿婦孺走卒皆樂道公名與都人士接談權竟日  
不厭兄弟篤友愛至老恥計田宅有某姓因亂猖獗無  
狀見殺數十人矣方議盡收其田廬入官公曰毋窮治  
也爲請於大吏事乃釋惟治家甚嚴謂家人一卦知其  
當孚先當知其有一威字在故公室少嘻嘻者著有宦  
公書

武甯縣志

卷二十九

藝文傳

三一

×128

餘詩草學署偶識治家格言盱江課藝課藝隋公許爲  
刊行以大吏調去不果子四麒麟駿騶駿予婿也能讀

曰自以制藝取士類多建樹奇偉爛然史冊然苟非性  
體湛明質力堅確徒以摭拾腐爛爲弋獲計惡足與於  
斯也公爲制舉文見賞當代宗工及考其居官在家皆  
皦然可白於世羞爲陰詭之行世有開口詆制舉文無  
用觀其窮年著作又徒綴浮誇詭異之文章以盜名於  
當世公蓋自有真哉

柯心竹先生傳

柯燿

咸豐辛酉夏粵寇又陷武甯蓋心竹長逝三年矣其支  
重輯家牒屬燿次如左謹按公諱隆璿又諱芬字曉初



心竹其號也居武甯福留村敏聰沉毅敦內行有能人所不能曹試多前列者善屬文弱冠補弟子員逾二年食餼道光庚子舉於鄉上春官兩薦未售南旋後從者如雲倡建鄉賓興公宇授俊彥置腴田資大小試復膺薦被黜遂肄業留京邸旁及歧伯書甲寅聞警歸里春中奉劄堵禦黃株港月三報捷竟以城軍誤期敗奔省垣城亦失守七月十二常叅軍率兵同復邑城蹶賊竄興國叅府卽被檄回賊偵知於十九日引楚匪攻賊復陷公往省籲得廉使惲統軍克復公從馬叅府林太守守橫路累功保舉藍翎知縣六年二月朔賊達馬跡攻城等處馬叅府與公憤戰城東更由中潢益勇南渡逐賊奔橫路賊遇僞丞相魏姓者湧楚匪潮來回躡城據

武甯縣志

卷二十九

藝文傳

三一

矣我軍獸散公與數人西上分甯至八月初二下木高始有數千人名鎮武營至十九日直抵澧溪鏖戰已午未三時感賊入水水爲之不流廿一泊石口渡廿三馳長林九戰屺城西門賊宵潰廿四復城是役也擁平江勇爲後勁者分甯陳紹曾也橫衝澧水上者黃清溪也潰之城中者鄭域恬也三君功不爲不多然皆感公孤軍直擣奮然而起也公由是推屯澧良勦絕橫路逐芭蕉嘍林家山靖黃土洞轉平江勇白洋之負爲勝十一月初十分勇戕李姓僞檢點大股數百名十九復分勇從黃鄭諸君戮其數千僞檢點遁武甯平邑令冒月川詳請保舉花翎同知援籌餉例分發山東知府九年春入都於二月初十日病故湖北孝感縣年六十歸葬本



邑北台復遷蛇田

論曰魏賊據城六閱月獨心竹絜勇三千擣無萬數凶暴夫何知黃鄭必助之有成則惟不與兩立耳此其愚不可及也足以傳矣

黃公立齋先生傳

哀州府教授何友玉

先生黃姓

諱

家禮

字

挹吾立齋其別號也其先自宋文

節公由武邑高坪遷幹樓綿瓜式穀代有賢聲先生幼承庭訓績學勵志補弟子員旋試高等食餼嘉慶戊寅恩科鄉試榜發爲名孝廉公車赴春闈三薦不售遂以道光丙戌大挑委署新城學篆實心教養邑人士感之贈以鱸堂化洽額去時祖道送多至百餘處乙未復權高安學篆會歲試考核教職許滇生學使拔置第一而先生

武甯縣志

卷二十九

藝文

傳

三三

首舉優生皮公家駒是科卽膺鄉舉人服其知人之明旋補德化課士盡職如新城高安時按月傳集諸生講肄其貧無貲者捐給膏伙既歷數載學中高弟如今萬公藕船前經筵講官蔡公梅庵等皆先生所素欣賞滇生學使按臨九江稔知先生幹練場事一以委之丁酉德化蝗生奉委分捕冒暑殲除淨盡境不被害庚子復患水飭查戶口會同散給撫卹銀兩無濫無遺災黎均沾實惠壬寅楚北崇陽民變逼近九江扎委往瑞昌武甯義甯等縣查探星夜奔馳不憚勞瘁上憲特加獎叙紀功三次值俸滿各上憲交章薦引八月咨取卸篆祖道衣冠畢萃撰德媿關西額懸學署癸卯二月引見奉旨以知縣用需次在京乙巳偶沾寒疾而卒先生性至孝自



官德化屢請迎養不許特遣其子躬侍二親平安家報  
踰月未至卽寢食不安必報至始如恒值嚴慈生辰昧  
爽必朝服冠南祝兄弟友愛老而逾篤訓諸子以義方  
皆有成就仲子以知名士今官九江府學教授於先生  
有後先輝映之美已未鄉榜孝廉祖瀚卽仲出也諸孫  
曾英英林立有建大功官至提鎮者有捐軀殉國難蒙  
恩蔭者盛德發祥人以爲先生之食報無窮云

贊曰昔宋文節公爲一代偉人而道與時違旋起旋躓  
不獲大用以展其才蓋豐於德者嗇於遇也先生以文  
節賢裔而遭遇盛時事業以一廣文終非先生之艱於  
遇合時未至也然觀其在職時所設施才寓於德有可  
以大用而大效者奈何方展驥足而遽捐館舍顧觀其  
後賢之方興未艾殆有不在其身在其子孫者乎

武寧縣志

卷二十九

藝文傳

三四

劉進士竹芬先生傳

教職 杜華斌 九微

先生諱馨朝字醅五號竹芬北鄉人家世單寒祖母盛  
以節著生有佳兆室人咸詫異之性豪蕩放達不羈然  
清雋異常自少已驚其長老師事孝廉潘蕊林公與儕  
輩角藝骨重神寒翹然天廟之器弱冠以諸生捷於鄉  
計偕北上曝頤屢滯慨然曰吾家徒四壁奈何以公車  
費累親耶留寓春明凡八載初中堂潘穆二公課於都  
先生往試七拔首名課一時京師呼爲劉冠軍壬辰成  
進士選湖南鄱縣知縣抵任聽斷疑獄多平反猶以養  
士興學爲務校課獎勵化媿文翁乙巳調署臨蒸復鄱  
有遷我使君之謠已酉任昭陵鄱士民欲援潁川借寇



例不獲請遂奉長生祿位於炎廟別室祖送之日遮道攀轅多爲泣下李逆亂作大軍駐寶慶徵糧益募六閩月始平廣西寇起昭陵實扼其庚巖飭守防暇則清釐積滯無留牘咸豐壬子賊繞長沙留戎幕勦辦軍務圍解以父憂乞假在籍次年賊筴漢陽行毗江省奸民乘機構禍編保伍率土團壁邊議需練勇區畫皆宜甲寅城陷奉委帶寶勇諸軍分道鏖馳以與賊選先生併力接援大獲勝仗賊遂潰邑之石洋爲賊逋逃藪軍士欲盡誅之先生遽止令居民擒賊自贖乃罷誅復行團練七月賊又將寶軍守北門遊府富公領軍守東門時城中匈匈項楊諸軍夜遷南澣十九日賊乘昧爽大隊蜂擁陸梁衆寡不敵先生振臂大呼炮石砰訇力戰逾時然猶手斃數人罵不屈遂刃於賊事聞照原官議

武甯縣志

卷二十九

藝文傳

三五

卹

御賜祭葬銀崇祀昭忠祠

晉贈奉政大夫

曰先生以進士宰邵陽假歸斯亦已矣然猶保障自任蓋非獨桑梓之情亦其雄心義槩使然也北門之役以身報國視死如歸若先生可謂授命矣

